

佛說因緣僧護經

學二

失譯今附東晉錄

如是我聞一時佛住舍衛國祇樹給孤獨園與大比丘衆八萬人諸菩薩三萬六千人俱余時有一大海龍王初發信心變爲人形來至園中依諸比丘求欲出家時諸比丘不知

一

何

是龍即度出家有一年少比丘共同房住經

一宿已於其晨朝執持威儀詣城乞食時龍比丘福德果報乞食先得或詣本宮食已早還比丘之法食後入房攝心坐禪時龍比丘忘不掩戶龍性多睡天時暑熱龍有五法不能隱身一者生時二者死時三者姪時四者瞋時五者睡時是爲五事時龍比丘不能隱身即便睡眠身滿房中同房比丘後來入房唯見龍身遍滿房中即大驚怖馳走失聲喚諸比丘大德長老此有龍王此有龍王龍聞大聲即便覺悟還爲比丘加趺坐禪因聲高大衆雲集問此少年比丘何故揚聲比丘

答曰房中有龍時諸大衆尋即共集入房覓龍不得但見比丘加趺坐禪便大驚愕不知所以即往問佛具說上事請汝所疑余時世尊告諸比丘此非人也乃是龍王汝可往喚比丘受教喚彼龍王時龍比丘即詣佛所頭面作禮却坐一面佛爲說法示教利喜佛即默然

余時龍王心自思惟便生歡喜佛慰勞曰汝可還宮龍王聞已哀泣墮淚頂禮佛足遶佛三匝即便還去於其中路而自思惟我今雖復不得出家於佛法中作大檀越造立僧房四事供養作是念已即於曠路化作僧坊流泉浴池遊觀園林甚成閑靜又無人衆憤闊之處晝夜逍遙復無蟲蟻蚊蟲之屬不寒不暑溫和調適無諸惱患請諸衆僧衣服飲食卧具湯藥所須之物皆悉備足持律比丘數數呵責時龍比丘不解經戒每自懷惱心自念言我今供養衆事悉備而諸比丘故見呵

責便滅化寺更往空處復造化寺宮殿林泉與前無異復請衆僧四事供養時諸衆僧詰龍比丘衆僧廚庫頭數甚多寺主之法應以計算頭數來示衆僧時龍答曰本非僧物今索抄記云爲造作盡是我有今諸比丘難可供給若如是者小可耐意於其中夜滅寺還宮

卷二

二

余時舍衛國中有五百商人共立言誓欲入大海商人共議求覓法師將入大海時時間法因聞法利可得往還商人衆中有一長者告諸商人我有門師名曰僧護可請爲師辯才多智甚能說法時諸商人相隨往請到僧護所頭面作禮白僧護曰我等諸人欲入大海今請大德作說法師我等聞法可得往還

僧護答曰可白和尚和尚若聽當受汝請僧護比丘將諸商人詣舍利弗所頭面作禮時諸商人白舍利弗言我等諸人欲入大海今請僧護作說法師惟願尊者賜見聽許舍利弗言可共問佛時舍利弗及僧護比丘將諸

商人往詣佛所頭面作禮長跪合掌而白佛言世尊我等諸人欲入大海請僧護尊者作說法師時時問法因聞法力可得往還余時世尊知僧護比丘應廣度衆生即便聽許時諸商人踊躍歡喜與僧護法師俱入大海未至寶所龍王捉住時諸商人甚大驚怖胡跪合掌而仰問曰是何神祇而捉船住若欲所得應現身形余時龍王忽然現身時諸商人即便問曰欲何所索龍王答曰以此與我僧護比丘商人答曰此僧護比丘從佛世尊及舍利弗所而請將來云何得與龍王答曰若不與我盡沒殺汝時諸商人即大驚怖尋自思惟曾於佛所聞如是偈

卷二

三

爲護一家寧捨一人爲護一村寧捨一家爲護一國寧捨一村爲護身命捨於國財時諸商人俛仰不已以僧護比丘捨與龍王龍王歡喜將詣宮中余時龍王即以四龍聰明智慧作僧護弟子龍王白言尊者爲我教此四

龍各與一阿含第一龍者教增一阿含第二
龍者教中阿含第三龍者教雜阿含第四龍
者教長阿含僧護答曰可爾當教僧護比丘
即便教之第一龍者默然聽受第二龍者瞋
目口誦第三龍者迴顧聽受第四龍者遠住
聽受此四龍子聰明智慧於六月中誦四阿

含領在心懷盡無遺餘時大龍王詣僧護所
拜跪問訊不愁悶不僧護答曰甚大愁悶龍
王問曰何故愁悶僧護答曰受持法者要須
軌則此諸龍等在畜生道無軌則心不知佛
法受持誦習龍王白言大德不應呵諸龍等
所以者何護師命故龍有四毒不得如法受

遠住而受時諸商人採寶還迴至失師處時
諸商人共相謂言我等本時於此失師今若
還到佛世尊所舍利弗目連諸尊者等若問
於我僧護法師當以何答爾時龍王知商人
還即將僧護付歸商人告商人曰此是汝師
僧護比丘時諸商人踊躍歡喜平安得出

尔時僧護問諸商人水陸二道從何道去商
人白言水道甚遠經過六月糧食將盡不可
得達即共詳宜從陸道去於中路宿時僧護
比丘告商人曰吾離衆宿汝等夜發揚聲喚
我商人敬諾僧護比丘即出衆宿初夜坐禪
中夜眠息時諸商人中夜發引遞互相謂喚

李二

四

僧護師竟無喚者即便捨去夜勢將盡大風
雨起僧護比丘即便覺寤揚聲大喚竟無應
者心口念言此便大罪伴棄我去

余時僧護比丘失伴獨去涉路未遠聞犍稚
聲尋聲向寺路值一人即便問曰何因緣故
打犍稚聲其人答曰入溫室浴僧護念言我

從遠來可就僧浴即入僧坊見諸人等狀似衆僧共入溫室見諸浴具浴衣瓦瓶碗器浴室盡皆火然余時僧護比丘見諸比丘共入溫室入已火然筋肉消盡骨如燒炷僧護驚怖問諸比丘汝是何人比丘答曰閻浮提人爲性難信汝到佛所便可問佛即便驚怖捨寺跳走進路未遠復值一寺其寺嚴博殊能精好亦聞犍稚聲復見比丘即便問言何因緣故打犍稚聲比丘答曰衆僧食飯尋自思惟我今遠來甚成飢乏亦復須食入僧坊已見僧和集食器敷具皆悉火然人及房舍盡皆火然如前不異僧護問言汝是何人其人答言更不異前僧護驚怖更疾捨去進路未遠復更值一寺其寺嚴儀更不異前前入僧坊復見諸比丘坐於火床互相爪攘肉盡筋出五藏骨髓亦如燃炷僧護問曰汝是何人比丘答言閻浮提人爲性難信汝到佛所便可問佛僧護驚怖復疾捨去進路未遠復值一

寺如前入寺見諸衆僧共坐而食諸比丘言汝今出去僧護踧踖未及出去見諸比丘鉢中唯是人糞熱沸涌出時諸比丘皆悉食噉食已火然咽喉五藏皆成烟炭流下直過見已驚怖復疾而去其去未遠復見一寺其寺嚴儀如前不異即入僧坊見諸比丘手把鐵椎互相棒打摧碎如塵見已驚怖復更進路其去未遠復見一寺其寺嚴好亦不異前即入僧坊聞犍稚聲僧護問曰何故打椎諸比丘言欲飲甜漿僧護比丘即自念言我今渴乏須飲甜漿即入衆中見諸食器牀卧敷具諸比丘等互相罵辱諸食器中盛滿鎔銅諸比丘等皆共飲噉食已火然咽喉五藏皆成炭火流下直過見已驚怖進路而去其去未遠見大肉地其火炎熾叫聲號痛苦楚難忍見已驚怖進路而去其去未遠復見大地如前無異復更前進見大肉甕盡皆火然熱疼難忍如前無異復更前進亦見肉甕盡皆火

然如前不異復更前進見一肉瓶其火炎熾
叫聲號苦毒痛難忍復更前進見一肉瓶其火
焰熾如前不異復更前進見大皮泉其火
焰熾爛皮浩沸苦聲楚毒亦不異前見已驚
怖復更前進其路未遠更見一大肉甕其火
焰熾苦事如前復更前進見一比丘手提利

刀而自刖臯刖已復生生已復刖終而復始
無有休息復更前進見一比丘手提鋸斧自
斫已舌終而復始如前不異復更前進見一
比丘水中獨立口自唱言水水不息而受苦
毒復更前進見一比丘在鐵刺園立鐵刺上
苦聲號叫亦不異前復更前進見一肉廳其
火焰熾苦聲號叫與前不異復更進前見一
肉橛形如象牙其火焰熾受苦如前復更前
進見一駱駝火燒身體苦聲號叫亦不異前
復更前進見馬一疋火燒身體苦痛號叫亦
不異前復更前進見一白象熾火燒身苦不
異前復更前進見一驢身猛火燒身苦不異前

卷二

六

前復更前進見一羝羊猛火燒身苦不異前
復更前進見一肉臺大火焰熾苦不異前復
更前進見一肉臺如前不異復更前進見一
肉房猛火燒身苦聲號叫亦不異前復更前
進見一肉牀苦聲號叫苦不異前復更前進
見一肉牀焰火燒身亦不異前復更前進見
一肉秤火燒伸縮苦不異前復更前進見一
肉拘執火燒伸縮苦不異前復更前進見一
肉繩牀火燒受苦亦不異前復更前進見一
肉壁火燒搖動苦不異前復更前進見一肉
索火燒伸縮苦不異前復更前進見一廁井
屎尿湧沸苦不異前復更前進見一高座上
有比丘攝心端坐猛火焚燒苦聲如前復更
前進更見高座受苦比丘亦不異前復更前
進見肉犍稚火燒苦聲亦不異前復更前進
見肉楚岐支梵名拘修羅猛火燒身受苦如前
復更前進見一肉拘修羅受苦如前復更前
進見大肉山猛火燒爛震動號吼苦不異前

復更前進見須曼那華樹火燒受苦亦不異
前復更前進更見須曼那華樹火燒出聲亦
不異前復更前進見肉華樹火燒苦聲亦不異
前復更前進見肉果樹火燒苦聲亦不異
前復更前進更見一樹火燒受苦亦不異前
復更前進見一肉柱火燒受苦亦不異前復

李二

七

更前進更見一肉柱獄卒斧斫受苦如前復
更前進見一肉柱火燒受苦亦不異前復更
前進見十四肉樹火燒受苦亦不異前復更
前進見二比丘以拳相打頭破腦裂膿血流
出消已還生終而復始苦不休息僧護比丘
小更前進見二沙彌眠卧相抱猛火燒身苦

不休息僧護比丘見已驚怖問沙彌言汝是
何人受如是苦沙彌答言閻浮提人受性難
信汝到世尊所便可問佛見已驚怖復更進
路遙見林樹榮茂可樂往趣入林見五百仙
人遊止林間仙人見僧護比丘馳散避去相
共謂言釋迦弟子汗我等園僧護比丘從仙

人借樹寄止一宿明當早去仙人衆中第一
上座有大慈悲勑諸小仙借沙門樹僧護比
丘即得一樹於其樹下敷尼師壇加趺而坐
於初夜中伏滅五蓋中夜眠息後夜端坐高
聲作唄時諸仙人聞作唄聲悟解性空證不
還果見法歡喜詣沙門所頭面作禮請祈沙
門受三歸依於佛法中求欲出家余時僧護
比丘即度仙人如法出家教修禪法不久得
定證羅漢果如栴檀栴檀自相圍遶得道比
丘賢聖爲衆余時僧護比丘與諸弟子俱共
詣舍衛國中祇桓精舍到於佛所頭面禮足
却坐一面

余時世尊慰勞諸比丘汝等行路不疲苦耶
乞食易得不余時僧護比丘白佛言世尊我
等行路不大疲苦乞食易得不生勞勤得見
世尊

余時世尊爲諸大衆而說法要余時僧護比
丘於世尊前在大衆中高聲唱說已先所見

地獄因緣唯願世尊為我說本因緣佛告僧
護汝先所見比丘浴室此非比丘亦非浴室
是地獄人此諸罪人迦葉佛時是出家比丘
不依戒律順己愚情以僧浴具及諸器物隨
意而用持律比丘常教軌則不順其教從迦
葉佛涅槃已來受地獄苦至今不息佛告僧

辛二

八

護汝初見寺非是僧寺亦非比丘是地獄人
迦葉佛時是出家人五德不成四方僧物不
打犍椎衆默共用以是因緣受火牀苦從迦
葉佛涅槃已來受地獄苦至今不息汝見第
二寺者亦非僧寺復非比丘是地獄人迦葉
佛時是出家人五德不具諸檀越等造作寺
廟四事豐足檀越初心造寺之時要打犍椎
作曠濟意是諸比丘不打犍椎默然受用客
比丘來不得飲食還空鉢出以是因緣受火
燒苦遙相爪攘筋肉消盡骨如焦炷從迦葉
佛涅槃已來受如是苦至今不息汝見第三
寺者非是僧寺亦非比丘是地獄人迦葉佛

時是出家人懈怠比丘多人共住共相謂言
我等今者可共請一持律比丘共作法事可
得如法即時推覓得一淨行比丘共住食宿
此淨行比丘復更推覓同行比丘時淨行人
轉轉增多即便追逐令出寺外時破戒人於
夜分中以火燒寺滅諸比丘以是因緣手提
鐵椎互相摧滅從迦葉佛涅槃已來受大苦
惱至今不息汝見第四寺者非是僧寺亦非
比丘是地獄人迦葉佛時是出家人常住寺
中有諸檀越施脂肉來應現前分時有客僧
來舊住比丘以慳心故待客出去後方欲分
未及得分虫出臭爛捐棄於外以是因緣入

辛二

九

地獄中噉糞屎食從迦葉佛涅槃已來受苦
不息汝見第五寺者非是僧寺亦非比丘是
地獄人迦葉佛時是出家人臨中食上不如
法食惡口相罵以是因緣受鐵床苦諸食器
中沸火漫然筋肉消盡骨如焦炷從迦葉佛
涅槃已來至今不息汝見第六寺者非是僧

寺亦非比丘是地獄人迦葉佛時是出家人不打撻椎默然共飲衆僧甜漿恐外僧來慳因緣故墮地獄中飲噉鎔銅從迦葉佛涅槃已來受苦至今不息

余時佛復告僧護比丘汝見第一地者非是大地是地獄人迦葉佛時是出家人衆僧田中爲己私種不酬僧直時持律比丘依戒呵責汝今云何不酬僧直是人余時依恃王勢不受教誨答諸比丘我是汝奴汝若有力何

不自種以是因緣受火地獄苦從迦葉佛涅槃已來至今不息汝見第二地者非是大地乃是罪人迦葉佛時是白衣人在僧田種不

非是瓦耶是地獄人迦葉佛時是出家人五德不具爲僧當廚軟美供養在先食噉鹿澀惡者僧中行付以是因緣入地獄中作大肉瓦火燒受苦至今不息汝見第三瓦者非是瓦也是地獄人迦葉佛時是僧淨人作飲食時美妙好者先自嘗噉或與婦兒鹿澀惡者持僧中行以是因緣在地獄中作大肉瓦火燒受苦至今不息

余時世尊復告僧護比丘汝見第一瓶者非是瓶也是地獄人迦葉佛時是出家人爲僧當廚應朝食者留至後日後日食者至第三日以是因緣入地獄中作大肉瓶火燒受苦

十

冬一至今不息汝見第二瓶者非是瓶耶是地獄人迦葉佛時是出家人在寺常住有諸檀越奉送酥瓶供養現前衆僧人人應分此當事人見有客僧隱留在後客僧去已然後乃分精餚供養在先飲食以是因緣入地獄中作大肉瓶火燒受苦至今不息汝見第二瓦者

酬僧直以是因緣墮地獄中作大肉地受諸苦惱至今不息汝見第一肉瓦者非是肉瓦也乃是罪人迦葉佛時是衆僧上座不能禪誦不解戒律飽食熟睡但能論說無益之語精餚供養在先飲食以是因緣入地獄中作大肉瓦火燒受苦至今不息汝見第二瓦者

今不息汝先見水中立人非是比丘是地獄

人迦葉佛時是出家人爲僧當水見僧用水
小復過多逐可意處即足其水餘者不給以
是因緣入地獄中水中獨立唱言水水受其
大苦至今不息

汝見大甕者非是大甕是地獄人迦葉佛時
是出家人爲僧典知果菜香美好者先自食
以是因緣入地獄中作大肉甕火燒受苦至
今不息

汝見比丘刀刑臯者非是比丘是地獄人迦
葉佛時是出家人在佛僧淨地涕唾汙地以
是因緣入地獄中刀刑已臯火燒受苦至
今不息

汝見比丘手提斫斧自斫已舌非是比
丘是地獄人迦葉佛時出家沙彌而爲衆僧
當分石蜜研作分數於斧刃上少著石蜜沙
彌噉舐以是因緣受斫舌苦至今不息

諸櫞非爲僧事懸已衣鉢以是因緣入地獄
中作大肉櫞火燒受苦至今不息

余時世尊復告僧護汝見駱駝者實非是駱
駝是地獄人迦葉佛時是出家人寺中上座
長受食分或得一人二人食分持律比丘如
法教授上座之法不應如是時老比丘答律

蜜先自嘗歎後付衆僧減少不遍以是因緣
入地獄中作大肉泉火燒沸爛受大苦惱今
猶未息

師言汝無所知聲如駱駝我於衆中身爲上座呢願說法或時作唄計勞應得汝等何故恒瞋責我以是因緣入於地獄受駱駝身火燒號叫至今不息汝見馬者實非是馬是地獄人迦葉佛時作僧淨人用僧供養過分食噉或與眷屬知識白衣諸比丘等呵責語言汝不應余其人惡口呵諸比丘汝猶如馬常食不飽我爲僧作甚大勞苦功勲應得以是因緣入地獄中受於馬身火燒身體受大苦惱至今不息汝見象者非是白象是地獄人迦葉佛時是出家人爲僧當廚諸檀越等將諸供養向寺施僧或食後來檀越白言大德日猶故未可打鍊稚集僧施食比丘惡口答白衣言諸比丘等猶如白象食不飽也向食已竟停留後日以是因緣入於地獄受白象身火燒受苦至今不息汝見驢者實非是驢是地獄人迦葉佛時是出家人爲僧當廚五德不具分僧飲食恒自長受二三人分持律

卷三

十一

比丘如法呵責此人答言我當僧廚及園果菜常營僧事甚大勞苦汝諸比丘不知我恩狀似如驢但養一身何不默然以是因緣入地獄中驢身受苦至今不息汝見羝羊實非羝羊是地獄人迦葉佛時是出家人爲僧寺主當田內外事事檢校不勑弟子諸小比丘不如法打稚諸律師等白言寺主何不時節鳴稚集僧比丘答言我當營僧事甚成勞苦汝諸比丘猶如羝羊敢食而住何不自打以是因緣入地獄中受羝羊形火燒痛毒受苦至今不息

余時世尊復告僧護比丘汝見肉臺實非是臺是地獄人迦葉佛時是出家人當僧房敷具閉僧房門將僧戶排四方遊行衆僧於後不得敷具及諸房舍以是因緣入地獄中作大肉臺火燒受苦至今不息汝見第二大肉臺實非是臺是地獄人迦葉佛時是出家人爲僧寺主選好房舍而自受用及與知識不

依戒律隨次分房不平等故以是因緣入於地獄作大肉臺受苦万端至今不息汝見肉房者非是肉房是地獄人迦葉佛時是出家人住僧房中似是已有終身不移不依戒律以次分房以是因緣作大肉房火燒受苦至今不息

卒二

十三

尔時世尊復告僧護汝見肉繩床實非是床是地獄人迦葉佛時是出家人捉僧繩床不依戒律如自己有以次分床以是因緣入於地獄作肉繩床火燒受苦至今不息汝見第二繩床實非是床是地獄人迦葉佛時是出家人破僧繩床自用然火以是因緣入地獄中作肉繩床

火燒受苦至今不息汝見肉壁者實非是壁是地獄人迦葉佛時是出家人衆僧壁上豎櫛破壁懸己衣鉢以是因緣入於地獄作大肉壁火燒受苦至今不息汝見肉索實非是索是地獄人迦葉佛時是出家人捉衆僧索私自己用以是因緣墮地獄中作大肉索火燒受苦至今不息汝見廁井實非廁井是地獄人迦葉佛時是出家人往寺比丘佛僧淨地大小便利不擇處所持律比丘如法呵責以是因緣入地獄中作肉敷具火燒伸縮受苦万端至今不息汝見肉拘執者實非拘執是地獄人迦葉佛時是出家人以僧拘執如

出家人不明律藏說重作輕說輕爲重有根之人說作無根無根之人說道有根應懺悔者說言不懺不應懺者強說道懺以是因緣入地獄中坐高座上火燒受苦至今不息汝見第二高座實非法師是地獄人迦葉佛時是大法師邪命說法得利養處如理而說無

李二

十四

利養時法說非法非法說法以是因緣入於地獄處鐵高座火燒受苦至今不息汝見肉犍稚號叫聲者實非犍稚是地獄人迦葉佛時是出家人以三寶物非法打雜詐作羯磨捉三寶物爲已受用以是因緣入地獄中作肉犍稚火燒受苦至今不息汝見拘修羅實非祇支是地獄人迦葉佛時是出家人爲僧寺主以僧廚食衛賣得物用作衣裳斷僧供養以是因緣入地獄中作肉祇支火燒受苦至今不息汝見第二拘修羅實非祇支是地獄人迦葉佛時是出家人作僧寺中分物維那以春分物轉至夏分夏分中衣物向冬中

分以是因緣入地獄中作肉拘修羅火燒受苦至今不息汝見肉山非是肉山是地獄人迦葉佛時是出家人爲僧典座五德不具少有威勢偷取僧物斷僧衣裳以是因緣墮地獄中作大肉山火燒受苦至今不息

余時世尊復告僧護汝始初見須曼那柱實

非是柱是地獄人迦葉佛時是出家人當佛刹人四輩檀越以須曼那華散供養佛華既乾已比丘掃取賣爲己用以是因緣入地獄中作須曼那柱火燒受苦至今不息汝見第二須曼華柱實非是柱是地獄人迦葉佛時是出家人當供養刹四輩檀越以須曼那華

李二

十五

油用供養佛比丘減取爲己自用以是因緣墮地獄中作須曼柱火燒受苦至今不息汝見華樹實非是樹是地獄人迦葉佛時是出家人當供果菜園有好華果爲己私用或與白衣以是因緣入地獄中作大華樹火燒受苦至今不息汝見肉果樹實非果樹是地獄

人迦葉佛時是出家人當僧菜果香美好果私自食或與白衣以是因緣入地獄中作肉果樹火燒受苦至今不息汝見肉樹實非是樹是地獄人迦葉佛時是出家人爲僧當薪以衆僧薪房中自然或與知識以是因緣入地獄中作大肉樹火燒受苦至今不息

尔時世尊復告僧護比丘汝見第一肉柱者實非是柱是地獄人迦葉佛時是出家人寺中常住破佛刹柱爲己私用以是因緣入地獄中作大肉柱火燒受苦至今不息汝見第二肉柱者實非是柱是地獄人迦葉佛時是白衣人以刀刮取像上金薄以是因緣墮地

故以是因緣此十四人墮地獄中作大肉樹火燒受苦至今不息汝見二比丘者實非比丘是地獄人迦葉佛時是出家人於大衆中鬪諍相打以是因緣入地獄中火焚身受相打苦至今不息汝見二沙彌者實非沙彌是地獄人迦葉佛時是出家沙彌共一被襍中

辛二
十六

相抱眠卧以是因緣入地獄中火燒被襍中相抱受苦至今不息爾時世尊重告僧護比丘以是因緣故我今語汝在地獄中出家者衆白衣尠少所以者何出家之衆多喜犯禁戒不順毗尼互相欺凌私用僧物或分飲食不能平等是故我今更重告汝當勤持戒頂

戴奉行

尔時世尊復告僧護我今語汝是諸罪人於過去世出家破戒雖不精進四輩檀越見諸比丘威儀以僧恭敬僧寶四事供養猶故能令得大果報無量無邊不可思議我復語汝如前罪人先世出家犯僧物故墮大地獄後

於未來世中有諸白衣取衆僧物者罪過於前說出家之人百千万倍不可窮盡我復語汝若一比丘順於毗尼在僧伽藍如法行道依時鳴稚若施此人得福猶多說不可盡何況供養四方僧衆

爾時世尊復告僧護若出家人營僧事業難

持淨戒是諸比丘初出家時樂持淨戒求涅槃心四輩檀越送供養時是諸比丘應受是供堅持淨戒後不生惱爾時世尊欲重宣此義而說偈言

持戒最爲樂 身不受諸惱 睡眠得安隱
寤則心歡喜

辛二

十七

尔時世尊說是偈已復告僧護有九種人常處阿臘大地獄中何等爲九一者食僧物二者佛物三者殺父四者殺母五者殺阿羅漢六者破和合僧七者破比丘淨戒八者犯淨行尼九者作一闡提是九種人恒在地獄有五種人二處受報一者地獄二者餓鬼其地獄者如汝所見是諸地獄其餓鬼者身形長大何者爲五一者斷施衆僧物二者斷施僧食三者劫僧覩物四者應得施能令不得五者法說非法非法說法此五種人受是二報餘業不盡五道中受尔時世尊欲重宣此義而說偈言

行惡感地獄 造善受天樂 若能修空定漏盡證涅槃

尔時世尊復告僧護汝於海中所見龍王受此龍身牙甲鱗角其狀可畏臭穢難近以畜生道障出家法亦障修禪無八解脫果雖得長壽不能得免金翅鳥王之所食噉命終之

後生兜率天天中命盡得受人身彌勒出世

作大長者財富巨億爲大檀越供養供給彌

勒世尊及諸比丘四事具足是諸長者有五

百人同時出家得羅漢果功高名遠衆所知
識是諸龍王猶尚能得如是功德況我弟子
如法出家坐禪誦經三業具足必證涅槃余

時世尊無問自說

歸依佛者 得大吉利 畫夜心中 不離念佛

歸依法者 得大吉利 畫夜心中 不離念法

歸依僧者 得大吉利 畫夜心中 不離念僧

余時僧護弟子五百商人於大眾中聞佛說

法忽然驚怖悟解無常共相謂言我等從昔
無量劫來處處經歷受生死苦皆是無明貪
心所造即從座起長跪合掌而白佛言我等

今日歸依三寶受持五戒盡形不犯

余時世尊告僧護曰衆僧供養有應得者不
應得者何者應得持戒滿足出入常念輕重
等持恐怖不犯如是之人應受供養余時世

尊即說偈言

歡喜受他施

安樂在山谷

余時世尊告僧護曰何者不應受供養持戒
不滿出入不念輕重不畏如是之人不應受
供養余時世尊即說偈言

寧食大鐵丸 燥熱如火焰 破戒不應受
得信檀越食

佛告諸善男子善女人聞此偈者若得信心
樂出家者清淨持戒頂戴奉行

余時諸比丘白佛言世尊如是等輩五百仙
人在過去世於何法中種諸善根於何時中

修行道業以何業緣今得出家煩惱漏盡證
阿羅漢果如來遍知明達三世知諸仙人所
修善業於大眾中即說本緣佛告諸比丘比
賢劫中過去之世迦葉佛時人壽二萬歲有
大長者名曰供意財富巨億於孝行中小違
父母漸愧懺悔即詣佛所出家修道習學未

久作大法師供意比丘說法化度五百弟子
將諸弟子入山林中阿練若處修禪定業心
生歡喜亦教弟子俱修禪定造作禪珍覺杖
法杖法用或就初中後夜精勤不息未得觀
慧師徒相戀詳發善願作如是言我等今日
師徒相順於迦葉如來正法之中出家修道

卷三

六

持戒定慧業以此善根願未來世得值釋迦
十号具足天人中尊真寶不虛還遇和尚度

我出家漏盡得道

余時佛告諸大比丘余時供意長者豈異人
乎即僧護比丘是五百弟子豈異人乎今五
百仙人是因過去世迦葉佛時所種諸善根
因發願故今得正見還值和尚正信出家漏
盡得道余時世尊於大衆中說因緣已時四
部衆歡喜奉行

浴室及六寺 二地揔三塊 兩瓶涌肉泉
一甕刀削鼻 破舌水中立 立刺肉廳櫛
駝馬白象驢 羯羊雙肉臺 肉房三繩床

肉秤及拘執 床壁肉繩索 廁井兩高座
推二拘修羅 兩肉須曼柱 華果一肉樹
一樹三肉柱 兩雙十四樹 兩僧二沙弥
合有五十六 說法本因緣 佛因僧護說

學二

覺寤上音教誤去 驚愕下音到反 憶閑俱上音
尼孝反 蟲直反 蟻引反 蛇莫庚反 倦仰免上音
泯目忍反 開開平音 嘘虛音 遍互第音 捷稚上音
反直朱 咽喉各音 跳條音 爪捶上之音 巧巧反 跡跡音
浩沸胡反 刃煙侯音 甜漿添反 瘊於貢音 痹徒冬音
則吾骨反 月刺七腸音 撇其月反 駱駝駝字二音

落陀音移反 羯故音枝 呕下咽音 捐棄上音替 伸縮下所拘執音 祇文渠渠音
舐土卧反 呕上去音 捐棄下弃字緣音 捐棄上音替 祇文渠渠音
語汝上音 衡賣上音 刮俱八音 餉戶交酢古作醋 踵字用七音
淺反息反 呕上去音 衡賣上音 刮俱八音 餉戶交酢古作醋 踵字用七音
盪蕩音 啬其少反 摧薄字甚少音 跎提字初近音

佛說因緣僧護經

二十末

學二

盧至長者因緣經

失譯今附東晉錄
學三

佛言若著慳貪人天所賤是以智者應當布施所以者何我昔曾聞舍衛城中有大長者名曰盧至其家巨富財產無量倉庫盈溢如毗沙門由其往昔於勝福田修布施因故獲

乙

其報然其施時不能至心以是之故雖復富有意常下劣所著衣裳垢膩不淨所可食者雜穀稗莠藜藿草菜以充其飢醋漿空水用療其渴乘朽故車編草草藥用以爲蓋於己財物皆生慳惜勞神役思勤加守護營理疲苦猶如奴僕爲一切人之所嗤笑余時羅睺

羅即說是言

所施因不同 受果各有異 信施志誠濃
獲報恣心意 若不懷殷重 徒施無淨報

盧至雖巨富 輕賤致嗤笑

又於一時城中節會莊嚴屋宅塋飾彩畫懸
繒幡蓋琉璃莊飾處處周徧懸諸華冠香水